

Broj: 01-01.3-5397-8/15 AZ
Datum: 18.01.2016. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama i preporuke Komisije za javne nabavke konstatirane u Zapisniku o pregledu i ocjeni ponuda broj 01-01.3-5397-7/15 AZ od 15.01.2016. godine, v.d. direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

**ODLUKU
o izboru najpovoljnijeg ponuđača
u otvorenom postupku**

I

Ugovor za nabavku roba "Nabavka računara i računarske opreme" u vrijednosti od 80.890,29 KM sa uračunatim PDV-om dodjeljuje se ponuđaču "GBG" d.o.o. Sarajevo, koji je podnio prihvatljivu ponudu sa najnižom cijenom.

II

Ponuda ponuđača "KODEKS" d.o.o. Sarajevo se odbacuje kao neprihvatljiva u skladu s članom 68. (4) i) Zakona o javnim nabavkama.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 25. Zakona o javnim nabavkama pokrenulo otvoreni postupak broj: 01-01.3-5397/15 AZ za nabavku roba: "Nabavka računara i računarske opreme". Na Portalu javnih nabavki objavljeno je Obavještenje o nabavci broj 266-1-1-790-3-165/15 objavljeno dana 09.12.2015. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 05.01.2016. godine u 12:30 sati u prostorijama JP „Autoceste Federacije Bosne i Hercegovine“ d.o.o. Mostar, Operativni ured Sarajevo, Dubrovačka 6, Sarajevo, što je konstatirano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatirala da su ponudu predala 2 (dva) ponuđača.

Komisija je prema članu 65. Zakona pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno prijedlogu Komisije za javne nabavke u Zapisniku broj 01-01.3-5397-7/15 AZ od 15.01.2016. godine Ugovor za nabavku roba "Nabavka računara i računarske opreme" u vrijednosti od 80.890,29 KM sa uračunatim PDV-om dodjeljuje se ponuđaču "GBG" d.o.o. Sarajevo, koji je podnio prihvatljivu ponudu sa najnižom cijenom, a ponuda ponuđača "KODEKS" d.o.o. Sarajevo se odbacuje kao neprihvatljiva u skladu s članom 68. (4) i) Zakona o javnim nabavkama.

Shodno naprijed navedenom, Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**v.d izvršni direktor
za ekonomsko-finansijske poslove:**

.....
Ivica Ćurić, MBA

v.d. direktor:

.....
dr. Jasmin Bučo



Broj: 01-01.3-5397-7/15 AZ
Datum: 15.01.2016. godine

U skladu sa članom 65. Zakona o javnim nabavkama („Službeni glasnik BiH“ broj 39/14), članom 18. Uputstva za pripremu modela tenderske dokumentacije i ponuda („Službeni glasnik BiH“ broj 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI PONUDA u otvorenom postupku

- Naziv i sjedište ugovornog organa:** JP „Autoceste FBiH“ d.o.o. Mostar
- Predmet nabavke:** Nabavka roba: „Nabavka računara i računarske opreme“
- Evidencijski broj nabavke:** 01-01.3-5397-7/15 AZ
- Vrsta postupka javne nabavke:** Otvoreni postupak
- Broj obavještenja o nabavci sa Portala javnih nabavki:** 266-1-1-790-3-165/15 objavljeno dana 09.12.2015. godine
- Datum početka pregleda i ocjene ponuda:** Komisija je počela da pregleda ponude 05.01.2016. godine
- Naziv i sjedište svih ponuđača, prema redoslijedu zaprimanja ponuda:**
 - „KODEKS“ d.o.o. Sarajevo sa ponuđenom cijenom u vrijednosti od 84.058,65 KM sa uračunatim PDV-om
 - „GBG“ d.o.o. Sarajevo sa ponuđenom cijenom u vrijednosti od 80.890,29 KM sa uračunatim PDV-om
- Podatke o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje.
- Informacije o produženju ponuda u skladu sa članom 60. stav (2):** Nije traženo produženje ponuda
- Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nije bilo ispravki

11. Analitički prikaz traženih i dostavljenih dokumenata:

R. B.	PODACI IZ PONUDA	NAZIV I SJEDIŠTE PONUĐAČA	
		KODEKS d.o.o. Sarajevo	GBG d.o.o. Sarajevo
a.	Kvalifikacioni uvjeti:		
1.	<p>Lična sposobnost: Uvjet: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;</p> <p>Dokaz: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 6 tenderske dokumentacije;</p>	+	+
2.	<p>Sposobnost obavljanja profesionalne djelatnosti:</p> <p>U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.</p>	+	+

4.	<p>Tehnička i profesionalna sposobnost: Uvjet: a) Uspješno iskustvo u realizaciji najmanje jednog ugovora čiji je karakter i kompleksnost sličan onom koji se odnosi na predmetnu nabavku, u minimalnoj vrijednosti od 50.000,00 KM u posljednje tri godine.</p> <p>Dokaz: a) Spisak izvršenih ugovora čiji je karakter i kompleksnost sličan onim koji se odnose na predmetnu nabavku u posljednje 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Uz spisak izvršenih ugovora ponuđač je dužan dostaviti potvrdu o uspješnoj realizaciji najmanje jednog ugovora čiji je karakter i kompleksnost sličan onom koji se odnosi na predmetnu nabavku, u minimalnoj vrijednosti od 50.000,00 KM u posljednje tri godine koju je izdao primalac roba, a koja obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede;</p> <p>Uvjet: b) Postojanje ovlaštenog servisera za isporučenu opremu</p> <p>Dokaz: b) Pismo podrške servisa ovlaštenog od strane proizvođača za opremu koja se nudi, u kojem se obavezuje da će bezuslovno pružati servisnu podršku za vrijeme trajanja garantnog roka (36 mjeseci) i u toku postgarantnog perioda</p>	+	+
b.	Ispunjenost uvjeta u pogledu dostavljanja svih potrebnih dokumenata prema sadržaju ponude:		
1.	Popunjen obrazac za ponudu koji je dat u aneksu 2 tenderske dokumentacije	+	+
2.	Popunjen obrasci za cijenu ponude koji su dati u aneksu 3	+	+
3.	Popunjen obrazac povjerljivih informacija koji je dat u aneksu 4 tenderske dokumentacije (ponuđači su dužni dostaviti ispunjen ovaj obrazac ukoliko imaju povjerljivih informacija)	+	+
5.	Potpisan nacrt ugovora koji je dat u aneksu 5 tenderske dokumentacije	+	+
6.	Izjava o zajedničkoj ponudi te Izjava o solidarnoj odgovornosti članova grupe ponuđača u skladu sa tačkom 7.5 tenderske dokumentacije (ukoliko ponudu dostavlja grupa ponuđača)	Nije primjenjivo	Nije primjenjivo
7.	Izjava o ispunjavanju uslova iz člana 45. Zakona koja je data u aneksu 6 tenderske dokumentacije	+	+

8.	Dokaz o registraciji u odgovarajućem profesionalnom ili drugom registru u zemlji u kojoj je registrovan ponuđač ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavljaju profesionalnu djelatnost, koja je u vezi sa predmetom nabavke	+	+
9.	Izjava o ispunjavanju uslova iz člana 52. Zakona koja je data u aneksu 7 tenderske dokumentacije	+	+
10.	Tehnička specifikacija koja je data u aneksu 10 TD popunjena i parafirana od strane ponuđača	-	+
c.	Prikaz prihvatljivosti ponuda prema obliku sadržaju i potpunosti		
1.	Uvezana u cjelinu /knjiga, obezbjeđena jemstvenikom/	+	+
2.	Sadržaj ponude	+	+
3.	Ponuda napisana neizbrisivom tintom	+	+
4.	Pravilno numerisana ponuda	+	+
5.	Ponuda napisana na jednom od službenih jezika u BiH	+	+
6.	Ispravke u ponudi	+	+
7.	Računske greške	+	+
8.	Ponuda potpisana od strane ovlaštene osobe	-	+
9.	Dostavljena kopija ponude	+	+
10.	Popis dokumentacije	+	+
	Prihvatljivost ponude (da/ne)	ne	da

Napomena: (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**

12. Naziv i sjedište ponuđača čije se ponude odbijaju na osnovu rezultata pregleda i ocjena ponuda, te obrazloženje razloga za njihovo odbijanje:

Ponuda ponuđača "KODEKS" d.o.o. Sarajevo ispunjava sve kvalifikacione uslove propisane članom 45., 46., i 49. Zakona o javnim nabavkama i tenderskom dokumentacijom.

Međutim, ponuda sadrži sljedeće formalno- pravne nedostatke:

- Ponuđač je dostavio popunjenu i parafarinu tehničku specifikaciju – Aneks 10, u kojoj nedostaje jedan list (str. 43 iz tenderske dokumentacije)
- Ponuda je potpisana od strane direktora Čeljo Murisa, za kojeg u dostavljenom Aktuelnom izvodu iz sudskog registra stoji "...sa ovlaštenjem da samostalno zastupa Društvo u svim poslovima neograničeno do iznosa 50.000 KM, zajedno sa zamjenikom direktora do iznosa 200.000 KM...". Pored direktora Čeljo Murisa, navedeno je i ime zamjenika direktora, Ernesa Lukačevića, ali nedostaje potpis imenovanog.

MB

Zbog naprijed navedenih nedostataka Komisija će dati prijedlog Ugovornom organu da ponudu odbaci kao neprihvatljivu u skladu s članom 68. (4) i) Zakona o javnim nabavkama.

13. **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljene ponude uredno zapakovane
14. **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Ponuda ponuđača "GBG" d.o.o. Sarajevo ispunjava zahtjeve u pogledu opisa predmeta nabavke i tehničke specifikacije, a u ponudi ponuđača "KODEKS" d.o.o. Sarajevo nedostaje jedna stranica tehničke specifikacije.
15. **Podatke o ispravkama računskih grešaka u ponudama ako ih je bilo:** Nije bilo računskih grešaka
16. **Razloge za odbijanje ponude zbog neprirodno niske cijene:** Nije primjenjivo
17. **Analizu prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“.
- Ponuđač "GBG" d.o.o. Sarajevo je dostavio ponudu koja u potpunosti ispunjava sve zahtjeve iz tenderske dokumentacije

18. **Rangiranje prihvatljivih ponuda prema kriteriju za izbor ponude:**

Naziv ponuđača	Cijena bez PDV-a	Popust	PDV (17%)	Ukupna cijena sa PDV-om
„GBG“ d.o.o. Sarajevo	69.137,00	-	11.753,29	80.890,29

19. **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** "GBG" d.o.o. Sarajevo, Trg heroja 10, 71000 Sarajevo. Ponuđač je dostavio prihvatljivu ponudu sa najnižom cijenom.
20. **Podatke o dijelu ugovora koji se daje u podugovor i podatke o podizvođaču:** Ponuđač nije izrazio namjeru podugovaranja;
21. **Podatke o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Ponuđač "GBG" d.o.o. Sarajevo je dostavio sve dokumente, odnosno njihove ovjerene kopije, u skladu sa tačkom 7.1.1. tenderske dokumentacije kojim dokazuje ispunjavanje uslova iz tenderske dokumentacije, te iste nije obavezan ponovo dostavljati po prijemu Odluke o dodjeli ugovora.
22. **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:**
Komisija daje prijedlog v.d. direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese sljedeću odluku:
Ugovor za nabavku roba "Nabavka računara i računarske opreme" u vrijednosti od 80.890,29 KM sa uračunatim PDV-om dodjeljuje se ponuđaču "GBG" d.o.o. Sarajevo, koji je podnio prihvatljivu ponudu sa najnižom cijenom, a ponuda ponuđača "KODEKS" d.o.o. Sarajevo se odbacuje kao neprihvatljiva u skladu s članom 68. (4) i) Zakona o javnim nabavkama.
23. **Datum završetka postupka pregleda i ocjene ponuda:** Komisija je završila pregled i ocjenu ponuda dana 15.01.2016. godine.

24. Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Lejla Hodžić, predsjednik komisije

Senada Lizde, član komisije

Adnan Strojil, član komisije

Za sekretara Komisije imenovana je Aida Zeba

Lejla Hodžić
Senada Lizde
Adnan Strojil

25. Popis priloga uz zapisnik: Nema priloga.



Saglasan:

dr. Jasmin Bučo, v.d. direktor

Jasmin Bučo



67